



Պետական կառույցների, տարածքային կառավարման և տեղական
ինքնակառավարման մարմինների կողմից «Տեղեկատվության ազատության
մասին» ՀՀ օրենքով սահմանված դրույթների պահպանումը՝
ըստ ՀՔԱ Վանաձորի գրասենյակի
2023 թվականի տեղեկատվական
հարցումների տվյալների



Հեղինակ՝ Զենֆիրա Վարդանյան

Խմբագիր՝ Արթուր Սաքունց

Սույն տեղեկանքը պատրաստվել է Ժողովրդավարության զարգացման հիմնադրամ
Հայաստանի, Շվեդական միջազգային զարգացման համագործակցության գործակալության
և Ժողովրդավարության աջակցության ազգային ֆոնդի ֆինանսական աջակցությամբ: Սույն
տեղեկանքում արտահայտված տեսակետները, մեկնաբանություններն ու
եզրակացությունները հեղինակին են, եւ հնարավոր է, որ չհամապատասխանեն
ֆինանսավորող կազմակերպության տեսակետներին:



Նախարան

ՀՔԱ Վանաձորի գրասենյակը, մարդու իրավունքների պաշտպանությունն արդյունավետ կազմակերպելու և իրականացնելու նպատակով, տեղեկատվական հարցումներ է ուղարկում պետական տարբեր կառույցներին, տարածքային և տեղական ինքնակառավարման մարմիններին: Ստացված տեղեկություններն օգտագործվում են կազմակերպություն դիմած քաղաքացիների խախտված իրավունքների վերականգնման կամ նրանց իրավունքի իրականացմանն ուղղված իրավական խորհրդատվության նպատակով: Այդ հարցումներին ի պատասխան ստացված գրությունները հնարավորություն են տալիս գնահատելու պետական մարմինների և տեղական ինքնակառավարման մարմինների կողմից տեղեկության տրամադրման՝ օրենքով սահմանված նորմերի կատարումը՝ «Տեղեկատվության ազատության մասին» օրենքի պահանջների տեսանկյունից:

ՀՔԱ Վանաձորի գրասենյակը 9 տարի շարունակ իրականացնում է նման ուսումնասիրություն և այս տարիների ընթացքում տեխնոլոգիական փոփոխությունների արդյունքում տեղեկատվության շրջանառությունը դարձել է ավելի դյուրին՝ ժամանակի խնայողության տեսանկյունից:

Նոր տեղեկատվական տեխնոլոգիաների կիրառումն էականորեն կրճատել է տեղեկատվական հարցումների ուղարկման և դրանց պատասխանների ստացման ժամանակահատվածները, քանի որ փոստային ծառայության համար նախատեսված 7 օրերը նույապես կրճատվել են: Արձանագրենք, որ պետական կառույցների, տարածքային և տեղական ինքնակառավարման մարմինների կողմից հարցումներին մեծամասամբ պատասխանել են «Տեղեկատվության ազատության մասին» ՀՀ օրենքով սահմանված ժամկետները պահպանելով: Կազմակերպության կողմից հերթական ուսումնասիրությամբ ներկայացվում է պետական և տեղական ինքնակառավարման մարմինների կողմից «Տեղեկատվության ազատության մասին» ՀՀ օրենքի կատարման վիճակը 2023թ.-ին՝ համաձայն ՀՔԱ Վանաձորի գրասենյակի ստացած պատասխանների:



Ուսումնասիրման մեթոդաբանությունը

Պետական կառույցների, տարածքային և տեղական ինքնակառավարման մարմինների կողմից «Տեղեկատվության ազատության մասին» ՀՀ օրենքով սահմանված ժամկետների կատարման վելուծության նպատակով կազմակերպությունը մշակել և կիրառում է հետևյալ մեթոդաբանությունը:

ՀՔԱ Վանաձորի գրասենյակի կողմից տեղեկատվական հարցումները հիմնականում ուղարկվել են էլեկտրոնային տարբերակով՝ համաձայն «Տեղեկատվության ազատության մասին» ՀՀ օրենքի 9-րդ հոդվածի, այն է՝ քաղաքացիների տեղեկություն ստանալու գրավոր հարցմանը պատասխան տրվում է այն ստանալուց հետո 5 օրյա ժամկետում:

Պետական և տեղական ինքնակառավարման մարմիններից ստացված պատասխանները, միաժամանակ հնարավորություն են տալիս գնահատելու նրանց կողմից տեղեկության տրամադրման՝ օրենքով սահմանված նորմերի կատարումը՝ «Տեղեկատվության ազատության մասին» օրենքի պահանջների տեսանկյունից: Հավաքագրված տեղեկությունը դասակարգվել է հետևյալ խմբերի.

- **Ժամանակին** ստացված են համարվում հարցումների այն պատասխանները, որոնք կազմակերպությունն ստացել է՝ էլեկտրոնային տարբերակի դեպքում 5 օրյա ժամկետում, փոստային ծառայության միջոցով 12 օրյա ժամկետում:
- **Ուշացած** են համարվում օրենքով սահմանված, ինչպես նաև կազմակերպության կողմից ողջամիտ համարվող ժամկետների խախտմամբ ստացված պատասխանները:
- **Չպատասխանված** են համարվում այն հարցումները, որոնց ընդհանրապես պատասխան չի տրվել՝ սույն տեղեկանքը հրապարակելու օրվա դրությամբ:

Տեղեկատվության բազան ստեղծվում է հետևյալ կերպ. հարցումների պատասխանները, ստացվելուն պես, մուտքագրվում են ՀՔԱՎ գրասենյակի հարցումների էլեկտրոնային բազա, որտեղ նշվում են հարցումների պատասխանների հասցեատերը, ուղարկողը, ուղարկման ամսաթիվը, հարցումների պատասխանների էլեկտրոնային տարբերակը: Աղյուսակը հասանելի է միայն ՀՔԱՎ գրասենյակի աշխատակազմին, կազմակերպության կողմից պահպանվում են տեղեկատվական անվտանգության կանոնների և անձնական տվյալների գաղտնիության պահպանման նորմերը: Տեղեկատվական բազայի տվյալների հիման վրա, տարեկան կտրվածքով, կազմվում է կատարված հարցումների վիճակագրություն:

2023թ.-ին ՀՔԱ Վանաձորի գրասենյակի կողմից ուղարկվել է 1046 գրություն, որոնցից 462 (44,18%) տեղեկատվական հարցումները հասցեագրվել են պետական կառավարման, տարածքային և տեղական ինքնակառավարման մարմիններին. (2022թ. ուղարկված գրությունների թիվը կազմել է 671, որոնցից 258-ը (38,50%) տեղեկատվական հարցում):



Աղյուսակ 1. Կառույցներ, որոնց ուղարկվել է ավելի շատ թվով գրություններ

2022թ.			2023թ.		
	թիվ	%		թիվ	%
Պաշտպանության նախարարություն	25	10%	Պաշտպանության նախարարություն	63	17.97%
Տարածքային և տեղական ինքնակառավարման մարմիններ	37	14.35%	Տարածքային և տեղական ինքնակառավարման մարմիններ	105	22.73%
Սոցիալական և առողջապահական բնագավառ	44	17.06%	Սոցիալական և առողջապահական բնագավառ	23	4.98%
ՀՀ Դատախազություն և ստորաբաժանումներ	42	16.35%	ՀՀ Դատախազություն և ստորաբաժանումներ	71	15.37%


Ինչպես երևում է պատկեր 1-ից, 2023 թ.-ին կազմակերպության կողմից ուղարկված տեղեկատվական հարցումների ավելի մեծ բաժին ունեցող բնագավառներն են ՀՀ Պաշտպանության նախարարությունը (17.97%), Տարածքային և տեղական ինքնակառավարման մարմինները (22,73%), ՀՀ Դատախազություն և նրա ստորաբաժանումները (16,3%) և Սոցիալական և առողջապահական բնագավառի հաստատությունները (4,98%): Ըստ այդմ թվարկված մարմիններին ուղղված տեղեկատվության հարցումները կազմում են ընդհանուր հարցումների 61,05%-ը: Նկատենք, որ թե 2023 թվականին, թե 2023թ.-ին ավելի մեծ թվով տեղեկատվական հարցումներն ուղղվել են նույն կառույցներին:

2023թ. պետական կառույցներին, տարածքային կառավարման և տեղական ինքնակառավարման մարմիններին ուղարկված 462 տեղեկատվական հարցումներից ժամանակին են ստացվել 306-ը (66.24%), ուշացած 100-ը (21.65%), իսկ 56 (12.13%) հարցման պատասխան չի տրվել:

Համեմատության համար նշենք, որ 2022թ. պետական կառույցներին, տարածքային կառավարման և տեղական ինքնակառավարման մարմիններին ուղարկված 258 տեղեկատվական հարցումներից ժամանակին են ստացվել 181-ը (70.16%), ուշացած 37-ը (14.35%), իսկ 40(15.51%) հարցման պատասխան չի տրվել:

Այսինքն 2022 թվականի համեմատությամբ 2023 թվականին կազմակերպության տեղեկատվական հարցումներին ժամանակին պատասխանվածների տեսակարար կշիռը պակասել է 3.92%-ով, ուշացրած պատասխանների տեսակարար կշիռն ավելացել է 10.31%-ով, իսկ անպատասխան մնացած գրությունների տեսակարար կշիռը նվազել է 3.6%-ով:

Պատկեր 1. 2022 և 2023թթ. Համեմակատան դիագրամ





ՀՀ Արդարադատության բնագավառի մարմիններ

2023թ.-ին ՀՔԱ Վանաձորի գրասենյակի կողմից ուղարկված 462 տեղեկատվական հարցումներից 25-ը (5.42%) ուղղված է եղել արդարադատության ոլորտին. (2022թ. այն կազմել է 8.15%) 2023թ.-ին արդարադատության ոլորտից ժամանակին են ստացվել 18, ուշացված 2, և 5 հարցման պատասխան չի ստացվել: 2022թ.-ին արդարադատության ոլորտից «ժամանակին ստացված» հարցումների պատասխանները 10-ն են՝ կազմելով այդ ոլորտին ուղարկված գրությունների 48%-ը: Ուշացած են պատասխանել 4 հարցման, անպատասխան է մնացել 7 գրություն:

2022թ.		2023թ.	
Ժամանակին	10	Ժամանակին	18
Ուշացած	4	Ուշացած	2
Չպատասխանված	7	Չպատասխանված	5

ՀՀ Ներքին գործերի նախարարություն և ստորաբաժանումներ

2023 թ.-ին ՀՔԱ Վանաձորի գրասենյակի կողմից ուղարկված 462 տեղեկատվական հարցումներից 71-ը (15,37%) ուղղված են եղել ՀՀ ներքին գործերի նախարարությանը և նրա ստորաբաժանումներին (2022թ. դրանք կազմել են (5,45%) 258 հարցումներից 14-ը): 2023թ. ՀՀ ոստիկանության և նրա ստորաբաժանումների կողմից «ժամանակին» ստացված հարցումների պատասխանները կազմել են 72% (2022թ. «ժամանակին» են ստացվել ուղարկված հարցումների 42.3%-ը): ՀՀ Ներքին գործերի նախարարություն ժամանակին է պատասխանել ուղարկված 30 հարցումներին, 36 հարցման պատասխանել է ուշացված, իսկ 5 հարցման պատասխան չենք ստացել:

2022թ.		2023թ.	
Ժամանակին	10	Ժամանակին	30
Ուշացած	3	Ուշացած	36
Չպատասխանված	1	Չպատասխանված	5



ՀՀ Տարածքային և տեղական ինքնակառավարման մարմիններ

ՀՔԱ Վանաձորի գրասենյակի կողմից 2023թ. ուղարկված 462 տեղեկատվական հարցումներից 105- ն (22.73%) ուղղված են եղել տարածքային կառավարման և տեղական ինքնակառավարման մարմիններին (2022թ.-ին վերոհիշյալ կառույցներին ուղարկվել են 258 տեղեկատվական հարցումներից 37-ն (14,35%): 2023թ. տարածքային կառավարման և տեղական ինքնակառավարման մարմինների կողմից ժամանակին ստացվել են 105 հարցումներից 83-ի պատասխանները (79.1%): Ուշացած պատասխանել են 8 գրության, և անպատասխան է մնացել 14 գրություն:

2022թ.		2023թ.	
Ժամանակին	29	Ժամանակին	83
Ուշացած	2	Ուշացած	8
Չպատասխանված	6	Չպատասխանված	14

ՀՀ Սոցիալական և առողջապահական բնագավառի մարմիններ

ՀՔԱ Վանաձորի գրասենյակի կողմից 2023թ. ուղարկված 462 տեղեկատվական հարցումներից 23-ն (4.98%) ուղղված են եղել սոցիալական և առողջապահական բնագավառի կառույցներին (2022թ.-ին այն կազմել է 17.06% 258 հարցումներից 44-ը): Ուղարկված հարցումներից 17-ին այս ոլորտը պատասխանել է ժամանակին, 4 հարցումներին ուշացած, և ևս 2 հարցման պատասխան չենք ստացել:

2022թ.		2023թ.	
Ժամանակին	28	Ժամանակին	17
Ուշացած	8	Ուշացած	4
Չպատասխանված	8	Չպատասխանված	2



ՀՀ պաշտպանության նախարարություն և ստորաբաժանուներ

ՀՔԱ Վանաձորի գրասենյակի կողմից 2023թ.-ին ուղարկված 462 տեղեկատվության հարցումներից 83-ն (17,97%) ուղղված են եղել ՀՀ պաշտպանության նախարարությանը (2022թ. այն կազմել է 10.47% 258 տեղեկատվության հարցումներից 27-ը): 2023թ.-ին ՀՀ պաշտպանության նախարարությունից և նրա ենթակառուցվածքներից «Ժամանակին» են սաացվել 34, ուշացած 29, իսկ 20 հարցման պատասխան չենք ստացել: 2022թ.-ին 27 հարցումներից 15-ին պատասխանել են Ժամանակին:

2022թ.		2023թ.	
Ժամանակին	15	Ժամանակին	34
Ուշացած	9	Ուշացած	29
Չպատասխանված	3	Չպատասխանված	20

ՀՀ Քննչական կոմիտե և ստորաբաժանումներ

ՀՔԱ Վանաձորի գրասենյակի կողմից 2023թ.-ին ուղարկված 462 հարցումներից 17-ը (3,68%) ուղարկվել է ՀՀ Քննչական կոմիտե (2022թ.-ին այն կազմել է (6,21%) 258 հարցումներից 16-ը): Ուղարկված հարցումներից ժամանակին սաացվել է 15 ,ուշացած՝ 2, չպատասխանված հարցումներ 2023թ. չեն եղել:

2022թ.		2023թ.	
Ժամանակին	11	Ժամանակին	15
Ուշացած	1	Ուշացած	2
Չպատասխանված	4	Չպատասխանված	0

ՀՀ Դատախազություն և ստորաբաժանումներ

ՀՔԱ Վանաձորի գրասենյակի կողմից 2023թ.-ին 462 տեղեկատվական հարցումներից 71-ը (15,37%), ուղարկվել են ՀՀ դատախազություն և ստորաբաժանումներ (2022թ.-ին այն կազմել է 16,3% 258 հարցումներից 42-ը): Ժամանակին են ստացվել 62, ուշացված՝ 7, իսկ 2 հարցման պատասխան չենք ստացել: 2022թ. ուղարկված հարցումներից 38-ը ժամանակին են ստացվել, ուշացած 8-ը և 1-ը մնացել է անպատասխան:



2022թ.		2023թ.	
Ժամանակին	38	Ժամանակին	62
Ուշացած	3	Ուշացած	7
Չպատասխանված	1	Չպատասխանված	2

ՀՀ ազգային անվտանգության ծառայություն

ՀՔԱ Վանաձորի գրասենյակի կողմից 2023թ. ուղարկված 462 տեղեկատվության հարցումներից 21-ն (4,55%) ուղղված են եղել ՀՀ ազգային անվտանգության ծառայությանը (2022թ.-ին այն կազմել է 5,05% 258 տեղեկատվական հարցումներից 13-ը): 2023թ. ուղարկված 21 հարցումներից 13-ին պատասխանել են ժամանակին, 5-ին ուշացած, 3-ը մնացել է անպատասխան:

2022թ.		2023թ.	
Ժամանակին	10	Ժամանակին	13
Ուշացած	2	Ուշացած	5
Չպատասխանված	1	Չպատասխանված	3

ՀՀ կրթության, գիտության, մշակույթի և սպորտի նախարարություն

ՀՔԱ Վանաձորի գրասենյակի կողմից 2023թ. ուղարկված 462 տեղեկատվության հարցումներից 5-ն (1.3%) ուղղված են եղել ՀՀ կրթության, գիտության, մշակույթի և սպորտի նախարարությանը (2022թ.-ին այն կազմել է 1,95% 258 տեղեկատվական հարցումներից 5-ը): 2023թ. բոլոր հարցումներին պատասխանել են ժամանակին:

2022թ.		2023թ.	
Ժամանակին	5	Ժամանակին	5
Ուշացած	0	Ուշացած	0
Չպատասխանված	0	Չպատասխանված	0



ՀՀ արտաքին գործերի նախարարություն

ՀՔԱ Վանաձորի գրասենյակի կողմից 2023թ. ուղարկված 462 տեղեկատվության հարցումներից 3-ն (0.65%) ուղղված են եղել ՀՀ արտաքին գործերի նախարարությանը (2022թ.- ին այն կազմել է 0.8% 285 տեղեկատվական հարցումներից 2-ը): 2023թ. ուղարկված 3 հարցումներից 2-ին պատասխանել են ժամանակին, 1-ը մնացել է անպատասխան:

2022թ.		2023թ.	
Ժամանակին	2	Ժամանակին	2
Ուշացած	0	Ուշացած	0
Չպատասխանված	0	Չպատասխանված	1



ՀԵԼՍԻՆԿՅԱՆ ՔԱՂԱՔԱՏԻԱԿԱՆ ԱՍՏԱՐԼԵԱՅԻ ՎԱՆԱՁՈՐԻ ԳՐԱՏԵԼՅԱԿ
HELSINKI CITIZENS' ASSEMBLY VANADZOR OFFICE

ՀՔԱ Վանաձորի գրասենյակի կողմից 2023 թվականին ուղարկված 462 տեղեկատվության հարցումներից 38-ն ուղարկվել են այլ կառույցների, մասնավորապես՝

- ՀՀ Վարչապետին ուղարկվել է 9 հարցում, որոնցից 5-ի պատասխանը ստացել ենք ժամանակին, մյուս 3-ը ուշացած, և 1-ին չի պատասխանվել
- ՀՀ տարածքային կառավարման եւ ենթակառուցվածքների նախարարություն ուղարկվել է 5 հարցում, որոնց պատասխանները ստացվել են ժամանակին:
- ՀՀ կադաստրի կոմիտե ուղարկվել է 2 հարցում, որոնց պատասխանները ստացվել են ժամանակին
- ՀՀ բնապահպանության և ընդերքի տեսչական մարմին ուղարկվել է 1 հարցում, որի պատասխանը ստացվել է ժամանակին
- ՀՀ կենտրոնական ընտրական հանձնաժողով ուղարկվել է 8 հարցում, և բոլոր հարցումներին պատասխանվել է ժամանակին
- ՀՀ փոխվարչապետին ուղարկվել է 1 հարցում, որի պատասխանը չի ստացվել
- ՀՀ Ֆինանսների նախարարություն ուղարկվել է 1 հարցում, որի պատասխանը ստացվել է ժամանակին
- «Քրեակատարողական բժշկության կենտրոն» ՊՈԱԿ ուղարկվել է 1 հարցում և ժամանակին ստացվել է պատասխան
- ՀՀ փաստաբանների պալատ ուղարկվել է 1 հարցում, որի պատասխանը ստացվել է ժամանակին
- ՀՀ Կոռուպցիայի կանխարգելման հանձնաժողով ուղարկվել է 1 հարցում, որի պատասխանը չի ստացվել
- ՀՀ գլխավոր հարկադիր կատարողին ուղարկվել է 1 հարցում, որի պատասխանը չի ստացվել
- ՀՀ հակակոռուպցիոն կոմիտե ուղարկվել է 1 հարցում, որի պատասխանը ստացվել է ուշացած
- Բարձր տեխնոլոգիական արդյունաբերության նախարարություն ուղարկվել է 1 հարցում, որի պատասխանը ստացվել է ժամանակին
- «ԻՆԳՈ ԱՐՄԵՆԻԱ» ապահովագրական ՓԲԸ ուղարկվել է 1 հարցում, որի պատասխանը ստացվել է ուշացած
- Հայաստանի Ապահովագրողների բյուրո ուղարկվել է 1 հարցում, որի պատասխանը ստացվել է ժամանակին
- ՀՀ հանրային ծառայությունները կարգավորող հանձնաժողով ուղարկվել է 1 հարցում, որի պատասխանը ստացվել է ժամանակին
- ՀՀ քաղաքաշինության, տեխնիկական եւ հրդեհային անվտանգության տեսչական մարմին ուղարկվել է 1 հարցում, որի պատասխանը ստացվել է ժամանակին
- Քաղաքացիական պայմանագիր կուսակցության նախընտրական շտաբ ուղարկվել է 1 հարցում, որի պատասխանը չի ստացվել



ՀԵԼՍԻՆԿՅԱՆ ՔԱՂԱՔԱՏԻԱԿԱՆ ԱՍՏՄԲԼԵՅԻ ՎԱՆԱՁՈՐԻ ԳՐԱՍԵՆՅԱԿ
HELSINKI CITIZENS' ASSEMBLY VANADZOR OFFICE

Ամփոփելով 2023թ. պետական կառույցների, տարածքային և տեղական ինքնակառավարման մարմինների կողմից ՀՔԱ Վանաձորի գրասենյակի տեղեկատվական հարցումներին տրված պատասխաններն ըստ «Տեղեկատվության ազատության մասին» ՀՀ օրենքով սահմանված ժամկետների, բաժանել ենք չորս խմբի ըստ նրանց տրված պատասխանների ժամանակագրական ճշտապահության՝

2023թ.-ին բոլոր տեղեկատվական հարցումներին ժամանակին պատասխաններ տրամադրած կառույցներն են՝

- ՀՀ Կենտրոնական ընտրական հանձնաժողով
- ՀՀ ԿԳՄՍ նախարարությունը
- ՀՀ Տարածքային կառավարման և ենթակառուցվածքների նախարարությունը
- ՀՀ փաստաբանների պալատը
- ՀՀ ԱՆ քրեակատարողական ծառայությունը
- ՀՀ Կադաստրի կոմիտե
- Բարձր տեխնոլոգիական արդյունաբերության նախարարություն
- ՀՀ հանրային ծառայությունները կարգավորող հանձնաժողով
- «Քրեակատարողական բժշկության կենտրոն» ՊՈԱԿ
- ՀՀ բնապահպանության և ընդերքի տեսչական մարմին
- ՀՀ Ֆինանսների նախարարություն
- Հայաստանի Ապահովագրողների բյուրո

Համեմատության կարգով նշենք, որ 2022թ.-ին միայն ժամանակին պատասխաններ տրամադրած կառույցներն են եղել՝

- ՀՀ փոխվարչապետի գրասենյակ
- ՀՀ արտաքին գործերի նախարարությունը
- ՀՀ ԿԳՄՍ նախարարությունը
- ՀՀ արտակարգ իրավիճակների նախարարությունը
- ՀՀ Տարածքային կառավարման և ենթակառուցվածքների նախարարությունը
- ՀՀ Մարդու իրավունքների պաշտպանի գրասենյակը
- Միջազգային իրավական հարցերով ներկայացուցչի գրասենյակը
- ՀՀ փաստաբանների պալատը
- Առողջապահական և աշխատանքի տեսչական մարմինը
- ՀՀ ԱՆ քրեակատարողական ծառայությունը
- ՀՀ անձնագրային և վիզաների վարչության Վանաձորի անձնագրային բաժանմունքը
- ՀՀ ԳԱԱ Փորձաքննությունների ազգային բյուրո ՊՈԱԿ-ը

Համեմատելով 2022 և 2023 թվականներին կազմակերպության կողմից տեղեկատվական հարցումներին



ՀԵԼՍԻՆԿՅԱՆ ՔԱՂԱՔԱՏԻԱԿԱՆ ԱՍՏՄԲԼԵԱՅԻ ՎԱՆԱԶՈՐԻ ԳՐԱՏԵԼՅԱԿ
HELSINKI CITIZENS' ASSEMBLY VANADZOR OFFICE

Ժամանակին պատասխան տրամադրած կառույցների ցանկը, նկատում ենք, որ չորս կառույց կրկնվում է ցանկում՝ ՀՀ ԱՆ քրեակատարողական ծառայությունը, ՀՀ փաստաբանների պալատը, ՀՀ Տարածքային կառավարման և ենթակառուցվածքների նախարարությունը և ՀՀ ԿԳՄՍ նախարարությունը: Սա նախորդ՝ 2021-2022թթ. համեմատ շատ լավ ցուցանիշ է, քանի որ նախորդ տարի կրկնվում էր միայն մեկ կառույց՝ ՀՀ ԱՆ Քրեակատարողական ծառայությունը: Արձանագրենք նաև, որ 2022 թվականին ՀՀ արտաքին գործերի նախարարությանն ուղղված 2 տեղեկատվական հարցումների պատասխանը ստացել ենք ժամանակին մինչ դեռ 2023թ.-ին ուղարկված 3 հարցումներից ժամանակին է պատասխանվել 2-ին, իսկ 1 հարցում մնացել է անպատասխան:

2023թ.-ին ժամանակին և ուշացած պատասխաններ տրամադրած կառույցներն են՝

➤ ՀՀ Քննչական կոմիտե

Համեմատության կարգով նշենք 2022թ.- ին ժամանակին և ուշացած պատասխաններ տրամադրած կառույցները են եղել՝

- ՀՀ Վարչապետը
- ՀՀ պետական եկամուտների կոմիտեն

Հարկ ենք համարում շեշտել, որ 2023թ.-ին կազմակերպության կողմից ՀՀ Վարչապետին ուղղված 9-ը հարցումներից 1-ը մնացել է անպատասխան, մինչդեռ 2022թ.-ին Վարչապետին ուղղված 3 հարցումներից 2-ին պատասխանը ստացել ենք ուշացած, 1 հարցման պատասխանվել էր ժամանակին և չպատասխանված հարցումներ չեն եղել:

2023թ.-ին ժամանակին, ուշացած և պատասխաններ չտրամադրած կառույցներն են՝

- ՀՀ Վարչապետը
- ՀՀ արդարադատության բնագավառի կառույցները
- ՀՀ դատախազությունն իր ստորաբաժանումներով
- ՀՀ սոցիալական և առողջապահական բնագավառի կառույցները
- ՀՀ տարածքային կառավարման և տեղական ինքնակառավարման մարմինները
- ՀՀ ազգային անվտանգության ծառայությունը
- ՀՀ Ներքին գործերի նախարարությունն իր ենթակառուցվածքներով
- ՀՀ Պաշտպանության նախարարությունը
- ՀՀ Արտաքին գործերի նախարարությունը

Համեմատության կարգով նշենք, որ 2022թ.- ին ժամանակին, ուշացած և պատասխաններ չտրամադրած կառույցները եղել են՝

- ՀՀ արդարադատության բնագավառի կառույցները
- ՀՀ դատախազությունն իր ստորաբաժանումներով



ՀԵԼՍԻՆԿՅԱՆ ՔԱՂԱՔԱՏԻԱԿԱՆ ԱՍՏՄԲԼԵՍԻ ՎԱՆԱՁՈՐԻ ԳՐԱՍԵՆՅԱԿ
HELSINKI CITIZENS' ASSEMBLY VANADZOR OFFICE

- ՀՀ հատուկ քննչական ծառայություն (ՀՀ Հակոռուպցիոն կոմիտեն)
- ՀՀ ոստիկանությունն իր ստորաբաժանումներով
- ՀՀ սոցիալական և առողջապահական բնագավառի կառույցները
- ՀՀ տարածքային կառավարման և տեղական ինքնակառավարման մարմինները
- ՀՀ ազգային անվտանգության ծառայությունը
- ՀՀ Դատական դեպարտամենտը
- ՀՀ քննչական կոմիտեն
- ՀՀ կենտրոնական ընտրական հանձնաժողովը
- ՀՀ ՊՆ զորակոչային և զորահավաքային համալրման ծառայությունը
- ՀՀ «Քրեակատարողական բժշկության կենտրոն» ՊՈԱԿ-ը

Ինչպես տեսնում ենք և՛ ժամանակին, և՛ ուշացած, և՛ չպատասխանված գրությունների խմբում կառույցների ցանկը մասամբ կրկնվում է, և սա փաստում է այն մասին, որ կառույցները չեն վերանայում իրենց վերաբերմունքը տեղեկատվական հարցումներին պատասխանելու ժամանակագրության պահպանման վերաբերյալ:

2023թ.-ին ուշացած և պատասխաններ չտրամադրած կառույցներն են՝

- ՀՀ փոխվարչապետ
- ՀՀ կոռուպցիայի կանխարգելման հանձնաժողովը
- ՀՀ գլխավոր հարկադիր կատարողը
- ՀՀ Հակակոռուպցիոն կոմիտե
- Քաղաքացիական պայմանագիր կուսակցության նախընտրական շտաբ


Համեմատության կարգով նշենք, որ 2022թ.- ին ուշացած և պատասխան չտրամադրած կառույցը եղել է՝

- ՀՀ ԱՆ դատաբժշկական գիտագործական կենտրոնը

Այսպիսով, ինչպես նախորդ տարի այնպես էլ 2023 թվականի որ ՀՀ ԿԳՄՍ նախարարությունը և ՀՀ Տարածքային կառավարման և ենթակառուցվածքների նախարարությունը տեղեկատվական հարցումներին ամենաշատ թվով ժամանակին պատասխաններ տրամադրած կառույցներն են: Այս տարի ցանկին ավելացել են նաև ՀՀ Կենտրոնական ընտրական հանձնաժողովը, որը 2022 թվականին 2 հարցումներից մեկին պատասխանել էր ժամանակին իսկ մյուսը մնացել էր անպատասխան:



2023 թվականի վիճակագրական դիագրամ



2022 թվականի տեղեկանքում վերլուծել էինք պետական կառույցների, տարածքային և տեղական ինքնակառավարման մարմինների կողմից «Տեղեկատվության ազատության» մասին ՀՀ օրենքով սահմանված դրույթների պահպանումը մինչհեղափոխական և հետհեղափոխական ժամանակահատվածում, և ըստ ժամանակագրական պատկերի՝ ժամանակին տրամադրված պատասխանների տեսակարար կշռի ավելացման տենդենց չեր դիտվում հետհեղափոխական շրջանում, և 2023 թվականին այդ տենդենցը դեռևս պահպանվում է: